

Sarkina Bt Mat Saad @ Shaari

From: Unit Komunikasi Korporat
Sent: Sunday, July 29, 2018 8:01 AM
To: UUM - All Staff; UUM - All Students
Subject: Monograf Baitulmaqdis Singkap Peranan Islam Dalam Mempromosi Kewujudan Bersama Secara Damai



Unit Komunikasi Korporat
CORPORATE COMMUNICATION UNIT
Universiti Utara Malaysia

29 JULAI 2018 / 16 ZULKAEDAH 1439H

=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Mohd Amir Aizat Sainon

Gambar oleh: Muhammad Shamsul Shafie

MONOGRAF BAITULMAQDIS SINGKAP PERANAN ISLAM DALAM MEMPROMOSI KEWUJUDAN BERSAMA SECARA DAMAI



UUM ONLINE: Kuala Lumpur, 28 Julai - Pelancaran Monograf Baitulmaqdis menjadi kayu ukur baharu kepada penyelidikan akademik dan perkembangan Pengajian Islamicjerusalem atau Baitulmaqdis khususnya dalam aspek mempromosi kewujudan bersama secara damai antara penganut agama Islam, Kristian dan Yahudi.

Naib Canselor, Prof Dato' Seri Dr Mohamed Mustafa Ishak berkata model Islamicjerusalem merujuk kepada wawasan yang komprehensif mengenai konsep kewujudan bersama secara damai.

"Kepimpinan Nabi Muhammad S.A.W dalam masyarakat pelbagai budaya di Madinah adalah contoh awal bagaimana Islam sentiasa menerima pendekatan inklusif dan mempromosikan kewujudan bersama secara aman dan harmoni. Begitu juga keadaannya di Baitulmaqdis yang merupakan tanah suci bagi umat Islam, Kristian dan Yahudi," ujarnya.

Jelas Naib Canselor, sejarah Baitulmaqdis, ketika zaman pemerintahan Khalifah Umar-Al Khattab meletakkan asas penting dalam kewujudan bersama secara damai sambil menguruskan kemajmukan di rantau ini yang dikenali dalam sejarah sebagai Al-'Uhda al-Umariyya atau Jaminan Keamanan Umar.

"Konsep ini kemudiannya diteruskan pada zaman Salahuddin Al Ayubi apabila beliau membebaskan Baitulmaqdis daripada Tentera Salib pada 1191 di mana dalam jawapan balasnya kepada Raja Richard I, Salahuddin menyatakan bahawa "Baitulmaqdis adalah milik kami, sama juga milik kamu" yang jelas menunjukkan bagaimana Islam menghormati hak-hak orang Kristian di Baitulmaqdis walaupun umat Islam berkuasa ketika itu," katanya ketika berucap pada Majlis Hi-Tea Amal dan Pelancaran Monograf Baitulmaqdis anjuran Institut Kecemerlangan Pengajian Baitulmaqdis (IEIJS), UUM di sini.

Tambah beliau lagi, majlis yang diadakan ini menandakan satu peristiwa penting dalam memahami model Baitulmaqdis sebagai mercu tanda asas mengenai peranan Islam dalam menggalakkan persefahaman bersama, saling menghormati dan hidup bersama di kalangan manusia.

Monograf Baitulmaqdis hasil penyelidikan Prof. Dr. Abd Al-Fattah El-Awaisi, Profesor Pelawat IEIJS UUM antara lain membincangkan latar belakang bidang penyelidikan baharu dalam Kajian Baitulmaqdis sejak tahun 1994, pengenalan dua terminologi baharu: Islamicjerusalem dan Pengajian Islamicjerusalem serta kemajuan dan perkembangan penyelidikan terkini dalam Pengajian Islamicjerusalem.

Abd. al-Fattah merupakan warga Britain berasal dari Palestin dan pernah menetap serta berkhidmat di beberapa negara Islam, selain di Barat.

Beliau pernah mencurahkan ilmu sebagai pensyarah dan membuat penyelidikan di beberapa universiti terkemuka dunia selama lebih 30 tahun, antaranya di UK, Turki, Syria, Yemen, Palestin dan Malaysia.

Hadir sama pada majlis ini Presiden Muslim Care Malaysia Society, Tuan Haji Zulkifli Wahijan; Dekan Ghazali Shafie Graduate School of Government, Prof. Dr. Mohd Kamarulnizam Abdullah; Pengarah IEIJS UUM, Dr. Aminurraasyid Yatiban, dan penulis Monograf Baitulmaqdis, Prof. Dr. Abdul Fattah El-Awaisi.

Turut dilancarkan Tabung Kebajikan dan Pembangunan Baitulmaqdis.



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.